

For di awe bo por pidi subsidio na Fondo BJP

Awe e ronda nobo di subsidio ta habri pa periodista y creado di producto periodistico den e parti Caribense di Reino.

Den e ultimo simannan, Joëlle Terburg y Wensly Francisco a haci varios biahe di trabou den e parti Caribense di Reino. Ariba tur e islanan, nan a topa cu periodista- y creadonan di noticia hopi motiva y comprometi pa fortalece y halsa e nivel di periodismo den nan comunidad. Pronto nos lo comparti mas detaye di nan biahenan cu boso.

Pero pa awor... tin bon noticia: for di awe, tin posibilidad pa pidi subsidio pa bo proyecto.

Bo tin un proyecto periodistico na mente cu ta pidi mas tempo cu e ciclo diario di noticia ta permiti? Por ehempel, un investigacion, documental, podcast, serie di video of un historia cu bo kier skirbi? Manda bo peticion na balor di:

- €7.350 si bo ta un periodista individual
- €14.700 si bo ta traha hunto cu dos of mas periodista di e parti Caribense di Reino.

Fechanan importante:

- **11 di mei** – ronda di subsidio ta habri
- **14 di mei** – webinar (9:00, ora Caribense)
Den e webinar aki, nos ta duna mas informacion tocante e ronda di subsidio pa proyecto y lo tin oportunidad pa haci pregunta. Registra via e link akibou.
- **25 di mei** – seccion di consulta online (9:00–11:00 ora Caribense)
Bo por reserva un ora pa bo haci bo pregunta specifico tocante e ronda di subsidio of tocante bo proyecto na un di nos coleganan. Planea bo cita via e link akibou.
- **15 di juni** – ultimo dia pa entrega bo peticion

Bo tin pregunta? Manda nos un email libremente na cariben@fondsbjp.nl of manda nos un mensahe via WhatsApp riba +31 6 13466461.

Bo kier sa mas tocante e proyectonan cu a haya sosten den e prome ronda di subsidio pa e islanan Caribense? Wak e [video](#) aki caminda Rajesh Chintaman (Sint-Maarten) ta conta tocante su proyecto.